



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

2. Qua in gloria creatus sit homo?

**urn:nbn:de:hbz:466:1-45699**

vniciuq; à Deo. Neque enim amici tantum, aut benedicti, seruiq; fi-  
deles vocabuntur Sancti, sed etiam peculiariter eorum merita vir-  
tutesq; recensebuntur, quando dicetur: *Esurii enim, & dedisti  
mihi manducare: siti, & dedisti mihi bibere: hospes eram, & colle-  
gisti me: nudus, & cooperiasti me: infirmus, & visitasti me: in car-  
cere eram, & venisti ad me.* Quantò magis recensebuntur opera  
maiora fortitudinis & charitatis? vt tunc omnia vulnera & tor-  
menta, quæ ob Dei nomen sustinuerunt martyres, coram toto  
Mundo glorioſiſſime celebrentur. Quemadmodum & scelera  
impiorum omnibus patet, vt de diuina iustitia ubique palam  
conſit. Quamquam, ſicut maxima hominis excellentia conſiftit  
in beatitudine eius, quæ eſt hominis bonum perfectum, ita &  
summus honor eſt, ſi illa ianotescat. Innotescet autem, quando  
*Filiu hominis conſitebitur eum in gloria Patris ſui, coram Angelis eius,* Marc. 8. 38.  
non tantum in iudicio extremo, ſed etiam in cælo, per omnem  
aeternitatem. Quæ gloria tanta eſt, vt meritò ad eam appeten-  
dam nos excitans Apostolus dicat: *Non ſunt condigna paſſiones hui-  
us temporis ad futuram gloriam, que reuelabitur in nobis.* Sicut enim  
ingentes obelisci magno quidem negotio statuuntur, &c, ob im-  
mensum molis pondus, difficile collocantur; ſed ſemel collocati  
infinitis durant ſæculis: ita arduum eſt, parare ſibi in cælo coro-  
nam, ſed parata numquā intermorietur. Superat ergo infinitis  
modis laborem honor, & aeternam omnem gloria ſempiterna;  
quæ tanto maior eſt gloriā omni humana, quanto pluris eſt Dei,  
quam hominum de homine notitia atque iudicium faciendum.  
Vnde ſtultiſſimi ſunt, qui malunt apud mortales, quam immorta-  
lem Mundi Principem aſtimari, & clareſcere.

Matth. 25. 35.

Rom. 8. 18.

## II.

Pſal. 8. 52

Altet honor à solo item Deo, ſed non aeternus, tributus eſt  
homini, cum initio conderetur, tam praefantibus natura & gra-  
tiae donis ornatus, vt eum conſiderans rex exclamārit: *Quid eſt ho-  
mo, quid memor eſt eius? aut Filiu hominis, quoniam viſitas eum?*  
*Minuſſi eum paulo minus ab angelis, gloria & honore coronaſti eum:*  
*& conſtituisti eum ſuper opera manuum tuarum, omnia ſubiecisti ſub  
pedibus eius, ones, & boves uniuersas, in ſuper & pecora campi. &c.*  
Quantus iſte honor eſt? Ex luto eum produxit; filium terræ  
dominum terræ fecit, & haeredem cæli; non ſolū intellectu pra-  
ditum,

Kk 3

ditum, sed etiam iustitia originali induitum, omniq; virtutum genere condecoratum; quondam etiam è Paradiso terreno in ezc. festem transferendum, atque iuxta Angelos collocandum. Verum homo cùm in honore esset, non intellexit; comparatus est iumentū insipientibus, & similis factus est illis. Secutus sensum, amisiit intellectum; non quidem vt nihil, sed vt minus intelligeret; iamque, mentis impetu rationem obfuscante, tantum deflexit ab honore, quantum recessit à virtute. Sicur ergo iure suo Conditor, quimlibet author esse non potest, opus magni mundi perfectum produxit, ita & paruum mundum voluit esse vndeque in origine sua ornatum. Hoc inueni, ait Ecclesiastes, quod fecerit Deus hominem rectum: qui si ipse se infinitis miscuit questionibus, & perturbationibus, sibi culpam, non Deo ascribat. Deus qui virtutes dedit, id dedit, vnde gloria surgeret: homo, qui vitijs se mancipauit, causa fuit earum rerum, vnde ignominia nascetur. Neminem itaque potest de amissio honore, aut ignominia illata, nisi se ipsum accusare, malum quod patitur suo sibi iumento accersiuit; dum voluit esse sicut dij; male se in beatam, seu Macariam, vt dieitur abstulit.

Quoniam autem, etiam post Adami peccatum, multæ adhuc res in homine excellentes permanerunt, neque omnes virtutes extinctæ sunt, debetur illis ex natura sua honos, tamquam testimonium excellentiæ. Et quidem illis operibus, quæ non solùm cum diuina gratia, sed etiam ab eo fiunt, qui est ipse in gratia Dei debetur honor æternus ab eo, qui diligentibus se coronam insitum promisit, quiq; glorificantes se glorificat, iuxta illud: *Quicumq; gloriificauerit me, glorificabo eum: qui autem contemnunt me, erunt ignobiles.* Aliquando tamen etiam in hac vita amicos suos honorat; aliquando sinit etiam ab alijs honorari; aliquando hunc fugituum honorem illis negat, subducit, succidit, semper iustis de causis. Neque enim Deus vlli mortalium, ob quamcumque virtutem, debet honorem temporalem. Etsi enim, vt D. Augustinus ait, illos honorat & diligit, qui illicita fugiunt, sepe tamen, saltu ad tempus eosdem sinit aliqua ignominie nota infamari; vt innocentem Ioseph, & castissimi nominis feminam Susannam, qui etsi illicita fugerint, tamen eos Deus passus est de adulterijs infamari, vt patientiæ laus accederet ad castitatem. Quemadmodum enim

Psal. 48. 13.

Eccles. 7. 30.

III.

1. Reg. 2. 30.

S. Augustini  
serm. 64. de  
tempore.